

ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 30 » 10 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ

03496

Ձեռնարկողը՝

«Մայֆորեսթ.ԷյԷմ» ԲՀԿ

ք. Երևան, Հյուսիսային պող., շենք 8, բն.16

Գործունեությունը՝ **Ջրաշեն համայնքում կադարվելիք անտառհիմնման
աշխատանքների շրջակա միջավայրի վրա ազդեցության
նախնական գնահատման հայտ**

Լոռու մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԷԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 02198

<<30>> 10 2020թ.

**Լոռու մարզի Ջրաշեն համայնքում կապարվելիք անտառհիմնման աշխատանքների
շրջակա միջավայրի վրա ազդեցության նախնական գնահատման հայտ**

Ձեռնարկող՝

«ՄայՖորեսթ.ԷյԷմ»

Բնապահպանական հասարակական
կազմակերպություն

Փաստաթղթի տեսակը՝

Անտառհիմնման

նախնական գնահատման հայտ

«Գ» կատեգորիա

Գտնվելու վայրը՝

Լոռու մարզ

Նախնական գնահատման հայտով նախատեսվում է Լոռու մարզի Սպիտակի տարածաշրջանի Ջրաշեն համայնքին պատկանող 345հա տարածքներում իրականացնել ցանկապատման, ծառատնկման, ամենամյա խնամքի միջոցառումներ, որի արդյունքում տարիներ հետո նախանշված համայնքը կունենա համայնքային անտառներ:

Նախատեսվող գործողությունը նպատակ ունի բնական էկոհամակարգերի և ստեղծվող անտառների համակցության արդյունքում բարելավել շրջակա միջավայրը, ինչպես նաև տեղային մակարդակով մեղմել կլիմայի գլոբալ փոփոխությունը:

Համայնքային անտառների հիմնումը կավելացնի երկրի անտառածածկը, կնպաստի արոտների խոտհարքերի բարելավմանը և այլն:

Նախատեսվող գործունեությունը՝ համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 5-րդ կետի «ա» ենթակետի հանդիսանում է «Գ» կատեգորիայի գործունեության տեսակ:

Նախատեսվող գործողության տարածքը բաղկացած է երեք առանձին հողամասերից, որոնք գտնվում են Լոռու մարզի Ջրաշեն համայնքի վարչական տարածքում, բնակավայրի հարավային մասում, ՄՅ միջպետական ճանապարհի աջ և ձախ կողմերում:

Նախատեսվող աշխատանքներն իրականացվելու են հետևյալ տեղամասերում.

Ջրաշեն 1՝ 40.7581° 44.2017°, 2040մ

Ջրաշեն 2՝ 40.7469° 44.2187°, 2180մ

Ջրաշեն 3՝ 40.7299° 44.2199°, 2250մ:

Տեղամաս 1-ը ներկայացնում է մարգագետնա-տափաստանային բուսականություն, որում գերակշռում են Փետրախոտ նեղատերև (*Stipa tirsia*) և Շյուղախոտ Ռուպրեխտի (*Festuca ruprechtii*) տեսակները:

Տեղամաս 2-ը ներկայացված է հացազգային մարգագետնատափաստանով, Շյուղախոտ վալիսյան (*Festuca valesiaca*) տեսակի գերակշռությամբ:



Տեղամաս 3-ը ներկայացված է ենթալայան մարգագետնով՝ բարձրախոտային տարրերով:
Նախատեսվող տարածքի ռելիեֆը թեք է՝ 15° - 25° , գտնվում է ծ.մ. 1950 բարձրության վրա:
Նախատեսված տարածքի բուսաբանական հետազոտության արդյունքում բացահայտվել է, որ նշված տարածքում բացակայում են հազվագյուտ էկոհամակարգերը և Հայաստանի Կարմիր գրքում ընդգրկված բուսատեսակները:

Հետազոտվող տարածքի ֆաունան տիպիկ է Կենտրոնական Հայաստանի միջինլեռնային բաց լանդշաֆտների համար և չի ցուցաբերում որևէ զգալի ինքնատիպություն՝ համեմատելով տարածաշրջանի նման լանդշաֆտների հետ: Այստեղ բացակայում են ՀՀ Կարմիր գրքում գրանցված անողնաշարավոր կենդանիների որևէ խմբի պատկանող տեսակներ:

Ինչ վերաբերվում է ողնաշարավոր կենդանիներին՝ ապա, հարող տարածքում գտնված է ՀՀ Կարմիր գրքում ընդգրկված հայկական լեռնատափաստանային իծը (*Vipera eriwanensis* Reuss.), որը հիմնականում հանդիպում է անտառպատման համար ոչ մատչելի քարքարոտ ձորակների միկրոբիոտոպներում:

Ֆլորայի և ֆաունայի ուսումնասիրությունների արդյունքում նշված տարածքում անտառապատման միջոցառումների իրականացման վերաբերյալ մասնագետների կողմից որևէ առարկություն չի նշվել:

Նախատեսվող անտառվերականգնման տարածքի կլիման, ըստ ՀՀ կլիմայական շրջայնացման, ցուրտ-ցամաքային է: Այստեղ առկա կայանների և դիտակետերի տվյալների համաձայն՝ օդի տարեկան միջին ջերմաստիճանը տատանվում է -11°C - -24°C սահմաններում, մթնոլորտային տեղումները՝ 450-550մմ սահմաններում: Լեռնագագաթներին և բարձրադիր այլ ջրբաժաններում ձնածածկույթը պահպանվում է մինչև մայիս-հունիս ամիսները, իսկ ցածրադիր շրջաններում՝ 1-2 ամսից մինչ 4, երբեմն 5 ամիս է:

Ջրագրական տեսանկյունից առավել նշանակալի է նախատեսվող անտառվերականգնման տարածքին մոտ անցնող Փամբ գետը՝ միանալով Փամբիջուր գետին թափվում է Փամբակ գետը:


Ուսումնասիրվող տարածքում հողային կազմը հիմնականում արտահայտված է լեռնատափաստանային խճաքարաշագանակավուն սևահողերով: Այստեղ հողի քարքարոտվածությունը 0-70սմ խորություններում բարձր է և հասնում է 10-30%-ի: 0-20սմ խորությունում հումուսի պարունակությունը տատանվում է 4-6%:

Տեսակների ընտրության ժամանակ նախագիծը հաշվի է առնում դրանց կենսաէկոլոգիական առանձնահատկություններն ու բնական աշխարհագրական արեալը: Առաջին հերթին, օգտագործվելու են տեղի անտառածման պայմաններին լավ հարմարեցված տեղաձին տեսակները, մասնավորապես, խոշորառէջ կաղնին, սրատերև ու բարձրլեռնային թխկին, կովկասյան տանձենին, սովորական ծիակասկը, իսկ թփատեսակներից՝ սովորական կիպրոսն ու Վանհուտի ասպիրակը: Ներմուծվող տեսականին բաժանվում է գլխավոր (գերակշռող ու հիմնական, առաջին շարահարկը զբաղեցնող) ու ակտիվատոր (գլխավոր տեսակի աճն ու զարգացումը խթանող, ինչպես նաև հողբարելավող, երկրորդ շարահարկը ձևավորող տեսակների:

Անտառմշակութային ֆոնդի տարածքը անտառածման պայմանների առանձնահատկություններից ելնելով բաժանվում է երկու տեղամասի, որոնցում մեկն ըստ կազմի առանձնանում է մաքուր մշակույթների (թեք, սակավահզոր, քարքարոտ, լվացված լեռնալանջեր), մյուսը՝ խառը մշակույթների (համեմատաբար բարվոք պայմաններ):

«Ջրաշեն» տեղամասի 20հա մակերեսի վրա ընտրված է անտառի հիմնադրման ցանքսի և տնկման մեթոդները (17հա՝ ցանքս, 3հա՝ տնկում)՝ շախմատածև դասավորությամբ (գծապատկերները ներկայացված են հայտում):

Հողի նախապատրաստման եղանակը կատարվելու է ձեռքով՝ համատարած փոսիկներով, որի տրամագծի չափը 0,25x0,25մ է, իսկ խորությունը՝ 0,25մ:



Համաձայն անտառի ցանքսի (17հա) եղանակին ցանքատեղերի քանակը 1հա վրա նախատեսվում է 4000 հատ, ընդամենը՝ 68000 հատ: Հեռավորությունը շարքում կազմելու է 1մ, իսկ շարքից շարք՝ 2,5մ: Նախատեսվող գլխավոր տեսակը՝ կաղնի խոշորառեջն է:

Համաձայն անտառի տնկման (3հա) եղանակին տնկատեղերի քանակը 1հա վրա կազմելու է 3330 հատ, ընդամենը՝ 9990 հատ: Հեռավորությունը շարքում կազմելու է 1մ, իսկ շարքից շարք՝ 3մ: Նախատեսվող գլխավոր տեսակը՝ կաղնի խոշորառեջն է, իսկ ակտիվատոր տեսակը՝ կովկասյան տանձենին է, թփեր՝ չի նախատեսվում:

Սերմերի նախապատրաստման եղանակը ցանքսին ներկայացված է առանց սերմերի նախապատրաստման ախտահանմամբ:

Մշակույթների նկատմամբ խնամքի միջոցառումներից նախատեսվում է ագրոտեխնիկական խնամքը առաջիկա հինգ տարիների ընթացքում՝ 10 անգամ, այդ թվում.

2021թ.՝ 4 անգամ,

2022թ.՝ 3 անգամ,

2023թ.՝ 2 անգամ,

2024թ.՝ 1 անգամ:

Մշակույթների պահպանության եղանակը և հակահրդեհային միջոցառումներն ընդգրկում են՝ ցանկապատում, անտառապահի նշանակում, հակահրդեհային քարոզչություն բնակչության շրջանում, շուրջօրյա հսկողություն, ինչպես նաև միջշարքային տարածությունների հնձում, հակահրդեհային հանքայնացված շերտերի պատրաստում և խնամք:

Հաջորդ տարվա (2021թ.) ամբողջ վեգետացիոն ժամանակաշրջանի ընթացքում անտառային մշակույթների կաչողականությունը պատշաճ մակարդակի հասցնելու, նրանց աճի, զարգացման համար կատարվելու է քաղիան-փխրեցում՝ 4-անգամյա ագրոտեխնիկական խնամք: Խնամքի աշխատանքները շարունակվելու են ևս 3 տարի. 2022թ.՝ 3, 2023թ.՝ 2 և 2024թ.՝ 1 անգամ:

Տարածքի անբավարար և խիստ հողակլիմայական պայմանների հետևանքով կանխատեսվում է մշակույթների մինչև 40% անխուսափելի անկում, որոնց համապատասխան խտությունը պահպանելու համար պահանջվում են լրացման աշխատանքներ՝ տնկման միջոցով: Լրացման աշխատանքները նախատեսվում են 2022թ. գարնանը՝ սոճու սերմնաբուսակներով, մինչև 31200 հատ:

Նախատեսվող գործունեության համար անհրաժեշտ է լինելու 55 օր և 18 աշխատկից:

Գործունեությունն իրականացնելու համար օգտագործվելու է 20 հատ բահ, 2 հատ լոմ, 5 հատ կիրկա, 200գծմ թել, 40 զույգ ձեռնոց, 10 հատ դույլ, 610կգ կաղնու սերմ, 9990 հատ բուսակներ, որից՝ 4995 հատ կաղնի և 4995 հատ տանձենի:

Տնկիների վրա մարդածին գործոնի ազդեցությունը կանխելու, տարածքը չնախատեսված արածեցումից զերծ պահելու և այլ գործոնների ազդեցություններից խուսափելու անհրաժեշտությունից ելնելով կկատարվի ցանկապատում և անտառապահների նշանակում:

Ցանկապատումն իրականացվելու է երկաթբետոնե և փայտյա հենասյուներով և միջհենասյունային հեռավորությունները ամրացվելու են երկաթյա փշալարով:

Հենասյուները ամրացնելու նպատակով փորվելու են 15սմ տրամագծով և 40–45սմ փոսեր, որտեղ հենասյուները տեղադրելուց անմիջապես հետո իրականացվելու է նույն տեղամասից հանված հողով փոսալցում և հենասյան ամրացում: Փշալարի ստորին շերտի և գրունտի միջև հեռավորությունը նախատեսվում է 40–60սմ, որը տեղանքում առկա հավանական վայրի կենդանիներին իրենց բնական արեալում տեղաշարժվելուն չի խոչընդոտի:

Նախատեսվող գործողությունը և այնուհետև ստեղծված անտառները, որպես հետևանք, ունեն շրջակա միջավայրի պահպանությանն ուղղված մի շարք կարևորագույն գործառնություններ, որոնցից են հողաշերտերի էրոզիայից և դեգրադացումից պաշտպանելը, կենսաբանական

բազմազանության պաշտպանությունը, բնակ.միջավայրերի ընդլայնումը, ջրերի մակերևութային հոսքի կարգավորումը, քամիների պորթկումների ժամանակ դրանց մեղմումը, խոնավության և ջերմաստիճանի կտրուկ փոփոխությունների նվազեցումը և այլն:

Նախատեսվող գործողությունները լինելով զուտ բնապահպանական միջոցառումների խումբ, անհրաժեշտություն է ունեցել խորը ուսումնասիրության և ճշգրիտ պլանավորման, որը թույլ է տվել վերացնել կամ նվազագույնի հասցնել շրջակա միջավայրի վրա բացասական ազդեցության ռիսկերը:

Նախատեսվող գործունեության ընթացքում ուսումնասիրությունների արդյունքում վեր են հանվել միայն ճարտարագիտատեխնոլոգիական և կենսաբանական ռիսկերը, որոնց տրվել է որակական և քանակական գնահատական:

Ձեռնարկողի կողմից անտառհիմնման ընթացքում բավական մեծ ուշադրություն է դարձվում տեսակային կազմին: Տեսակային կազմում բացառապես ներկայացված են ծառերի և թփերի տնկիների տեղական և տարածաշրջանին բնորոշ անտառտնկարկային տեսակները: Այս տեսակները աճեցվում են ձեռնարկողի մասնագիտացված տնկարանում՝ պահպանելով ֆիտոսանիտարիայի բոլոր սահմանված նորմերը:

Ընդհանրացնելով ռիսկերը՝ կարելի է նշել, որ նախատեսվող գործողությունը, ունենալով բնապահպանական ուղվածություն, շրջակա միջավայրի վրա բացասական ազդեցության տեսանկյունից ունի նվազագույն ռիսկեր, որոնք հեշտությամբ կառավարելի են:

Նախատեսվող գործողությունը, շրջակա միջավայրի վրա բացասական ազդեցության տեսակետից գնահատվելով որպես նվազագույն ռիսկի գործունեություն, պարբերական մշտադիտարկման կարիք չունի:

Նախատեսվում են հետևյալ մշտադիտարկման գործընթացները՝

Երկրաբուսաբանական մեթոդներով նախատեսվում է իրականացնել ժամանակավոր մշտադիտարկման տեղամասերի հիմնում, որոնց հիմնական նպատակն է ուսումնասիրել ցանկապատված անտառհիմնման տարածքում կենսազանգվածի փոփոխությունները և բուսական տեսակների վարքը:

Կամերալ պայմաններում ուսումնասիրել ցանքսի համար նախատեսված սերմերի ծլունակությունը և այն համեմատել տեղամասում վեգետացիայի սկզբին ցանքսատարածության մեջ առկա սերմերի ծլարձակության հետ:

Կիրառելով քառակուսային և գծային տեղամասերի մշտադիտարկման մեթոդը, դաշտային պայմաններում ուսումնասիրել նախորդ տնկման շրջանում տնկված ծառաբուսակների կաչողականությունը:

Նշված համայնքում անտառի հիմնումը բնապահպանական բազմաթիվ օգուտներից բացի ունի մի շարք սոցիալական, կրթական բաղադրիչներ, որոնք ոչ պակաս կարևոր են համայնքների հարատև զարգացման համար:

Ծրագիրը հնարավորություն կտա մշտական և ժամանակավոր աշխատանքով ապահովել նշված և հարակից համայնքների ավելի քան 30 մարդու:

Ծրագրի կատարման ընթացքում կազմակերպությունը նախատեսում է կազմակերպել «համայնքային անտառ» ինստիտուտի կայացմանն ուղղված միջոցառումներ: Դասընթացների, գործնական աշխատանքների և տարաբնույթ այլ միջոցառումների միջոցով հնարավոր դարձնել համայնք-անտառ կայուն և անընդհատ զարգացող գոյակցությունը: Համայնքի բնակիչների մոտ անհրաժեշտ է զարգացնել գիտելիքներ, հմտություններ ու տրամադրել գործիքներ իրենց սեփականություն հանդիսացող որևէ համակարգի (բնական կամ գյուղատնտեսական) հարատև, անվտանգ ու շահավետ շահագործման համար: Թեպետ անտառը վերականգնվող բնական ռեսուրս է, այնուամենայնիվ այն անհրաժեշտ է ճիշտ կառավարել և շահագործել՝ վերջինիս ինքնավերականգնման ունակությունը չսպառելու համար:

Պատճառաբանական եզրահանգումներ

Նախնական գնահատման հայտի փորձաքննական գործընթացին մասնակցել են շրջակա միջավայրի նախարարության ստորաբաժանումները, Լոռու մարզպետարանը, Ջրաշենի համայնքապետարանն ու այլ գերատեսչություններ:

Փորձաքննության ընթացքում հայտը լրամշակվել է, որում հաշվի են առնվել նաև տրված դիտողություններն ու առաջարկությունները:

Օրենսդրությամբ սահմանված կարգով Ջրաշեն համայնքում իրականացվել են հանրային քննարկումներ, որոնց ընթացքում տեղական ինքնակառավարման մարմիններն ու հանրությունը հավանություն են տվել նախագծի իրականացմանը:

Փորձաքննական պահանջներ

- Նախատեսվող աշխատանքների ընթացքում պահպանել հայտում ներկայացված հիմնադրվող անտառային մշակույթների անտառածման պայմանների աշխատանքների տեխնոլոգիական մոտեցումները:
- Ապահովել հակահրդեհային անվտանգության միջոցառումները, իրականացնել անտառային հրդեհների հայտնաբերումն ու կանխումը՝ համաձայն ՀՀ անտառային օրենսգրքի:
- Իրականացնել անտառների վնասատուների և հիվանդությունների վնասակարության կանխարգելման աշխատանքները և պահպանել անտառային կենսաբազմազանությունը՝ համաձայն ՀՀ անտառային օրենսգրքի:

ԵԶՐԱԿԱՅՈՒԹՅՈՒՆ

«Մայֆորեսթ.Էյէմ» ԲՀ կազմակերպության կողմից նախատեսվող Լոռու մարզի Ջրաշեն համայնքում կատարվելիք անտառհիմնման աշխատանքների շրջակա միջավայրի վրա ազդեցության նախնական գնահատման հայտի վերաբերալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ՝

Մասնագետ՝



Գ. Գևորգյան

Մ. Ավետիսյան